


Helmut Kohle nahi bezala Berlin izango da Alemaniako hiriburu berria / 23



Valentin Pavlov lehen ministroak ez ditu lortu nahi zituen botere bereziak / 22



Christopher Lee aktoreari omenaldia egingo diote gaur Donostian / 27

EUSKALDUNON

Egunkaria

Larunbata, 1991ko ekainak 22 / II. urtea / 168. zenbakia / Salneurria: 75 pta. / 4,5 libera

ANTZERKIA

Puntako teknologiaz muntaia Miarritzen

Miarritzeko Festibal Jauregia eta Portu Zaharreko hondartza esperimentzia miresgarri baten lekuko izango dira arratseko 10etan. Versant taldeak bi lekuak elkarri lotuko ditu hari optikoen bidez. / 27

GALi ez dio «terrorista» deitzen Jose Barrionuevok

Barne ministro ohiaren ustez ez zen erakunde antolatua

Jose Barrionuevo Espainiako barne ministro ohiak uko egin zion GAL «talde terrorista» bezala definitzeari, Herri Ekimeneko abokatuak zuzeneko galdera egin zion arren. Bere ustez, GAL «talde isolatuek» osatzen zuten. GAL erakunde sortu eta atentatuak egin zituen garaian Barne ministeritzako arduradun zirenek egin zuten deklarazioa epaiketako atzoko saioan.

Barrionuevok adierazi zuenez, Estatuko diru berezietatik kopuru bat eman zitzaion Jose Amedori, arma trafikoaz ikerketa bat egiteko Portugalera egin behar zuten bidaia zela eta. Diru berezien «kontrol zorrotza» egiten dela ziurtatu zuen, baina uko egin zion kontrol hori nola egiten zen erantzuteari. Barrionuevok ukatu egin zuen Amedorekin inoiz bildu zenik, eta GALi buruzko ikerketa oztopatzeko neurririk hartu zuenik.

Julian San Cristobal Estatuko Segurtasunerako idazkari ohiak, Jose Barrionuevok esanak errepikatu zituen. Ricardo Ruiz Coll-ek, Bilboko Poliziako Informazio Brigadaburu izandakoak, Amedo sarritan Espainiako leku desberdinetara hitzeko baimen soilarekin joaten zela adierazi zuen. Bezperan bi polizia judizialek adierazitakoari indarra kentzen dio adierazpen horrek: La Consolation-eko eta Garcia Goenaren kontrako atentatuen egunetan Amedo lanean zegoela zioten Bilboko komisaldegiko agirik. / 4



SEGURTASUNA eta defentsa arazoez Espainiako eta Frantziako ministroek egindako mintegian egon ziren Jose Luis Corcuera eta Philippe Marchand Barne ministroak ere. Atzo argitaratutako elkarrizketa batean, «ETA eta Gobernuaren artean orain ez bada gero negoziaketak izango» direla esan zuen Marchandek. / 6

Elkarlanera deitu du EGUNKARIA k Jaurlaritza

EUSKALDUNON EGUNKARIAren Administrazio Kontseiluak Eusko Jaurlaritzari elkarrizketarako asmoa erakutsi eta diru laguntzekiko kezka agertu zuen atzo Donostian, egunkari honen audientziari buruzko datuekin batera. Administrazio Kontsei-

luaren adierazpena osorik jaso dugu. Bertan, duela hilabete Jaurlaritzari bidali eta Arregik erantzun ez duen gutunaren berri ematen da. Elkarrizketarako deia eta diru laguntzekiko kezka agertzen zaio Arregiri hor.

J. Zumalabek, CIES eta

EGUNKARIAren datuak erabiliz, komunikabide honen irakurlegoa berrogei mila lagunekoa dela esan zuen. Horietatik heren batek aitortzen du ez duela beste egunkaririk erosten, hau da, EGUNKARIA lehena dela beraientzat. / 9

Ikastolentzat kezkagarria da Jaurlaritzaren jarrera

Ikastolentzat «penagarria da eskola publikoko sektorerik burokratikoenen oldarkortasunak, teorikoki nazionalista den gobernuan gaur egun duen eragina izatea». Bide honetan segitu eta irmo eusteko gogoaz azaldu dute EAEko hiru lurraldeetako ikastolek Elgoibarren, Eusko jaurlaritzaren Hezkuntz sailarekin izaniko elkarrizketak aztertzeak elkartu ondoren. Bileran honetan bederatzita puntu onartu ziren estrategia bateratua aurrera ateratzeko asmoz eta Ikastolen Elkarteak prentsaurrekoa eskaini zuen atzo Donostian honen berri emateko.

Ardanzari eskutitza bidali diote ikastolek puntu guzti horien azalpena emanez, hala nola komunikabide eta zentru guztiei. Besteak beste, 1990eko likidazioarako erizpideak zeintzuk diren aipatu eta Administrazioari gogoratu zioten, komenioan dagoen bezala, negoziazioetan ikastolei dagozkien puntu guztiak federa-



Antonio Campos. C. VILLAGRAN

zioaren bitartez tratatu behar dituela.

Erabaki hauek herenegungo batzarrean izandako 90 ikastole-tako ordezkari onetsi zituzten, % 98 alde agertu ondoren. / 8

Urralbururekin negoziatuko du EAK Nafarroan

Nafarroako Gobernuaren osaketarako PSN-PSOEekin negoziatzea erabaki zuen ostegunean Eusko Alkartasunak. Elkarrizketei asteburu honetan bertan ekingo dietela adierazi zuten atzo EAKo bozeramaleek. EA eta PSN-PSOE bat etortzen badira, Urralburuk UPNko Allik baino boto gehiago bilduko ditu —IUK ere hautagai sozialistari emango bait dio botoa—, baina Herri Batasunako legebiltzarkideen abstentzioa beharko du, Allik bezala, lehendakari izateko.

EEK berriz Bilbon bildu zuen atzo bere exekutiba Gipuzkoako Diputazioan egin beharrekoaz jarrera desberdinak batera bideratzeko asmoz. / 5

BESTERIK

POLITIKA

350 kiloko harria jausi zen lan eremutik Azpirozko ur depositura / 7

EKONOMIA

Iberduerok % 12,25eko dibidenduak banatuko ditu akziodunen artean / 19

ESTATUAK

Felipe Gonzalezek eta Alfonso Guerrak jarrera sendoa azaltzea eskatu zuten PSOEren exekutiban / 21

KIROLOA

Banestoko Armand de las Cuevas-ek irabazi zuen Euskal Bizikletako hirugarren etapa / 24

KULTURA

Getxon egin ahal izango da Antzertiko ikastaldi osoa / 27

SANJOANAK HERNANIN, MUSKIZEN, LEIOAN, ARRASATEN ETA TOLOSAN / 11-18